



Қасым-Жомарт ТОҚАЕВ, ҚАЗАҚСТАН РЕСПУБЛИКАСЫНЫҢ ПРЕЗИДЕНТІ:

ҚАДІРЛІ ОТАНДАСТАР!

Баршаңызды Ораза айт мейрамымен құттықтаймын!

Бұл – мұсылман қауымының ерекше ықыласпен қарсы алатын ұлық мерекесі. Қасиетті Рамазан айында жұрт адамгершілік құндылықтарға баса мән береді, рухани тазаруға ұмтылады. Мұқтаж жандарға қол ұшын созып, айналасына қайырымдылық көрсетеді. Отыз күн оразадағы сабыр мен қанағатқа негізделген игі амалдың бәрі Айт мерекесінің шынайы болмысын айшықтай түседі. Ата дініміз адамзатты татулық пен тыныштыққа, қамқорлық пен мейірімділікке, жанашырлық пен жасампаздыққа үндейді. Адал еңбек етіп, адал табыс табуға шақырады. Мұның барлығы, түптеп келгенде, бүкіл еліміздің ырысты ынтымағын арттыруға ықпал етеді. Халқымыздың салт-дәстүрі Ислам дінінің, Рамазан айының және Айт мейрамының ұлағатымен ұштасып жатыр. Бұл сабақтастық берекелі бірлігімізді нығайтып, әділетті қоғам құру жолында маңызды рөл атқарады.

Еліміз аман, жұртымыз тыныш болсын! Әр шаңыраққа бақ-береке және толағай табыс тілеймін! Айт қабыл болсын, ағайын!

№43
(4631)
Бейсенбі
11 сәуір
2024 жыл



ASTANA



РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

A Q S H A M Y

1990 ЖЫЛҒЫ 13 ҚАЗАННАН БАСТАП ШЫҒАДЫ



СУДЫҢ ҚАДІРІ МЕН ҚАУШ

7-БЕТ | САРАПТАМА



ҚАНЫШТЫҢ ҚАЗЫНАСЫ

8-БЕТ | ТҮЛҒА

АСТАНА – ТАЗАЛЫҚ ПЕН ТӘРТІП ҮЛГІСІ

13 сәуір мен 11 мамыр аралығында елордада «Таза Қазақстан. Астана – тазалық пен тәртіптің үлгісі» көктемгі экологиялық айлық өтеді. Тазалық акциясы бес аптаға созылады, әр апта белгілі бір тақырыпқа арналады. Бірінші апта «Таза өлке» деген атаумен өтеді. Ауқымды іс-шара «Тазару» жалпыұлттық экологиялық шарасы аясында ұйымдастырылады. Экологиялық айлық барысында 270 мыңнан астам жасыл желек отырғызу жоспарланып отыр.



ДӘРІГЕРІ КӨП ПОЙЫЗ

«Жәрдем» мамандандырылған медициналық пойызы тұрғындарды білікті тегін медициналық көмекпен қамтамасыз ету мақсатында 20 сәуірден бастап шалғайдағы ауылдар мен станцияларға жүре бастайды.

Медициналық пойыз 140 станцияға барады, онда 92 мыңнан астам адам қаралып, емделетін болады. Дәрігерлер 100 мыңнан астам қабылдау өткізеді.

Денсаулық сақтау министрлігінің мәліметінше медициналық пойыз арқылы профилактикалық қарап-тексерулерді, скринингтік зерттеулерді, дәрілік заттармен қамтамасыз етуді, бейінді мамандардың консультацияларын, зертханалық-диагностикалық қызметтерді, ЭКГ, УДЗ, флюорографияны қоса алғанда, 1 млн медициналық қызмет көрсету жоспарлануда.


Су тасқыны жағдайын ескере отырып, зардап шеккен ауылдық елді мекендердің тұрғындары медициналық пойыз қызметтерімен қамтылатын болады.

ЕСКІ ҮЙДІҢ ОРНЫНА – ЖАҢА НЫСАН

Астанада реновация бағдарламасы аясында тозығы жеткен ескі және апатты үйлер сүріліп, олардың орнына әлеуметтік тұрғын үйлер мен қоғамдық кеңістіктер салынып жатыр.

Бүгінгі таңда Астанада тозығы жеткен 33 үй бар. Олардың ең соңғысы 1948 жылы салынған, яғни тұрғызылғанына сексен жылға жуықтаған. Бұл үйлердің тозу дәрежесі 65 пайыздан басталады. Реновация бағдарламасы аясында бұл үйлер жыл сайын біртіндеп жаңғыртыла береді.

5



«ОЛИМПИАДА ОЙЫНДАРЫНА 100 КҮН» БҰҚАРАЛЫҚ ЖҮГІРУ ЖАРЫСЫ ҚАШЫҚТЫҚ 5 КМ

ӨТЕТІН УАҚЫТЫ: 17 СӘУІР

ТІРКЕУ: 08:30

ӨТЕТІН ОРНЫ:

«АСТАНА» ТРИАТЛОН САЯБАҒЫ



Creative
Innovation
Institute



ВАЛЮТА
БАҒАМДАРЫ

€ EUR/KZT 484.87 \$ USD/KZT 446.16 ₸ RUB/KZT 4.81 ¥ CNY/KZT 61.68

t.me/elordainfo

www.astana-akshamy.kz



«КЕЛЕ ЖАТЫР ҚҰС ҚАЙТЫП...»

Еркеғали Рахмадиев атындағы Мемлекеттік академиялық филармонияның концерт залында аса көрнекті күйші-композитор, дирижер, Қаз КСР және КСРО Халық әртісі, Мемлекеттік сыйлықтың лауреаты, Халық қаһарманы Нұрғиса Тілендиевтің шығармашылығына арналған «Келе жатыр құс қайтып» концерті өтті.

Кештің өтуіне аталмыш өнер ұжымының қазақ оркестрі (көркемдік жетекшісі, бас дирижері – Қазақстанның еңбек сіңірген қайраткері, профессор Айтқали Жайымов, дирижері – мәдениет қайраткері Нұрлан Бекенов) ұйытқы болды. Концерт шымылдығы да осы оркестрдің орындауында «Алтын дән» поэмасымен ашылды. Әрі қарай «Қыз Жібек» фильміне арнайы жазылған «Көш керуен» туындысы мен «Аққу» күйі, «Жеңіс салтанаты» шығармасы, рухты көтеретін «Махамбет», «Аңсау» күйлері шарықтады.

Кешке арнайы қонақ болып композитордың қызы, майталман музыкант негізін қалаған Нұрғиса Тілендиев атындағы академиялық этнографиялық-фольклорлық «Отырар сазы» оркестрінің көркемдік жетекшісі, бас дирижері, Қазақстанның еңбек сіңірген қайраткері Дінзухра Тілендиева қатысты. Оның дирижерлігімен қазақ оркестрі «Ата толғауы» күйін, басқа да шығармаларды орындады. Оркестрдің сүйемелдеуімен мәдениет саласының үздігі Ботагөз Тәшімова сымқобызбен «Абай табиғаты», республика-

лық байқаулардың лауреаты Данияр Байжұманов «Әлқисса» күйлерін орындады.

Нұрғиса Тілендиев көптеген өлмес туындылар жазып қалдырды. Оның әндерін бүгінге дейін ел сүйіп тыңдап, шырқайды. Сондай шығармаларының қатарындағы «Әке туралы жыр» (Мұхтар Шаханов), композитордың жары Дариғаға арналған «Қуә бол» (Тұманбай Молдағалиев), «Келе жатыр құс қайтып» (Тұманбай Молдағалиев), «Алатау» (Нұрсұлтан Әлімқұлов), «Жүрегім менің» (Тұманбай Молдағалиев) әндері әуеледі. Сондай-ақ

«Ақ құсым» (Бәкір Тәжібаев), «Әжеме» (Мұқағали Мақатаев), «Махаббат таңы» (Тұманбай Молдағалиев) әндері орындалды. Бұл туындыларды белгілі әншілер, Қазақстанның еңбек сіңірген қайраткерлері Айгүл Қосанова, Светлана Айтбаева, «Дарын» мемлекеттік жастар сыйлығының лауреаты Алтынбек Әбілда, халықаралық байқаулардың лауреаттары Алтынбек Арыстанбек, Талғат Аллабиринов шырқады. Ал кеш шымылдығы барлық әншілердің орындауында «Өз елім» (Қадыр Мырза Әлі) әнімен жабылды.

Дайындаған **Аманғали ҚАЛЖАНОВ**

ӨРІСІ КЕҢ ҚАЛАМҒЕР

Астана қалалық Ардагерлер орталығында журналист, жазушы, халықаралық «Алаш» әдеби сыйлығының лауреаты Өріс Яшүкірқызының 75 жас мерейтойына орай қаламгермен кездесу мен әр жанрдағы шығармаларын қамтыған төрт томдығының таныстырылымы өтті. Кездесуде қаламгердің өмір жолына шолу жасалды.



Өріс Яшүкірқызы – Қазақ мемлекеттік университеті журналистика факультетінің түлегі. Еңбек жолын Алматы облысы Шелек аудандық «Еңбек туы» газетінен бастады. Өзі туып-өскен Қызылорда облысы Сырдария аудандық «Сырдария» газетінде әдеби қызметкер болды. 21 жыл бойы Торғай облыстық телерадиокорпорациясында комментатор, тележурналист болып еңбектенді. «Астана ақшамы» басылымында

да қолтаңбасы қалды. Ақмола астанаға айналғанда, астаналық газеттің әлеуметтік сала бөлімінің меңгерушісі қызметін абыроймен атқарды. 10 жыл Мәдениет және ақпарат министрлігі Ақпарат және мұрағат комитетінің бас сарапшысы болды. Осылайша, журналистика саласында үзбей 33 жыл, мемлекеттік қызметте 12 жыл еңбектенді. Жалпы еңбек өтілі 45 жылды құрайды. Қай қызметте жүрсе

де шығармашылық жұмыспен тынбай айналысты. Соның жемісі – әр жылдары мемлекеттік тапсырыспен шыққан кітаптары. Кітаптарының арасында осыдан тура 30 жыл бұрын «Қазақ тілі» қоғамының «Қазақ әйелдері» бағдарламасымен «Айна көңіл», «Қараша қаздың қаңқыл», «Сексеуілдің шоғы» өлеңдер жинақтарын атап өтуге болады. Оның өлеңдеріне белгілі композитор Бақытжан Сәуекенов бірнеше ән жазды.

Жаңадан жарық көрген төрт томдығында поэзия, проза, сатира, детектив жанрларындағы шығармалары топтастырылған. «Жан сарайым – өлеңім» атты бірінші томында өлеңдері, «Ескі қоныстағы ел» атты екінші томында проза шығармалары, «Ұшық пен пұшық» атты үшінші томында сатиралары, ал «Құлдықтағы қылмыс» атты төртінші томында детектив жанрындағы туындылары жинақталған.

Кездесуде өріс кең қаламгердің жалпы шығармашылығы мен шығармалары туралы әңгіме өрбіп, автормен сұхбат жүргізілді. Өлеңдері оқылып, «Есіл толқындары» халық ардагерлер ансамблінің орындауында әсем әндер әуеледі. Іс-шараны ұйымдастырушы Астана қаласы Есіл ауданы әкімдігі, Есіл ауданы ардагерлер кеңесі және Есіл аудандық белсенді ұзақ өмір сүру орталығы атынан мерейтой иесіне сый-құрмет көрсетілді.



Ерлер мен әйелдер арасындағы классикалық шахматтың қорытындысы бойынша 7 кездесуде де басым болған Астана қаласының құрама командасы жеңіс тұғырының ең биік сатысынан көрінді. Құрама сапында Аслан Айтбаев, Аян Ахметов, Әлішер Мажженов және Амина Қайырбекова өнер көрсетті. Ал Қызылорда облысының құрамасы күміс медальға қол жеткізсе, Павлодар об-

лысының спортшылары қола жүлдені еншіледі.

Ардагерлер арасындағы бәсекеде Алматы қаласының спортшылары алтыннан алқа тақты. Жүлделі екінші орынға Владислав Насыбуллин, Арман Оспанов, Құнанбай Сағнаев және Әлфия Төребаева бастаған астаналық ардагер спортшылар ие болды. Ал қоланы Жамбыл облысының ардагерлері қанағат тұтты.

Дайындаған **Ғалым ҚОЖАБЕКОВ**

ЖОЛДАМА ҮШІН АЙҚАСАДЫ

Астанада бокстан Париж Олимпиадасына қатысуға лицензия беретін жарысқа іріктеу турнирі аяқталды. Жеңімпаздар енді Бангкокта өтетін соңғы лицензиялық жарыста жолдама үшін айқасады.



Ерлер арасында тек 63,5 келі салмақта жекпе-жек өтті. Бес үміткердің арасынан Мұхамедсабыр Базарбайұлы топ жарды. Ал әйелдер боксы бойынша лицензиялық жарысқа Назым Қызыбай (50 келі), Ұлжан Сәрсенбек (54 келі), Наталья Богданова (66 келі), Валентина Хальзова (75 келі) Бангкок шаршы алаңында шешуші жарысқа

қатысады. Осыған дейін Сәкен Бибосынов (51 келі), Махмұд Сабырхан (57 келі), Асланбек Шымбергенов (71 келі), Нұрбек Оралбай (80 келі), Айбек Оралбай (92 келі) және Қамшыбек Қоңқабаев (+92 келі), сондай-ақ әйелдер санатында Карина Ибрагимова (57 келі) Олимпиада лицензиясына ие болған.

АСТАНАЛЫҚТАР – ЧЕМПИОН!

Қызылорда қаласында ерлер, әйелдер және ардагерлер арасында классикалық шахматтан өткен Қазақстан чемпионатында Астана қаласының құрама командасы жеңімпаз атанды. Чемпионатқа еліміздің 11 облысы мен Астана, Алматы, Шымкент қалаларынан 86 шахматшы қатысты.



Ерлер мен әйелдер арасындағы классикалық шахматтың қорытындысы бойынша 7 кездесуде де басым болған Астана қаласының құрама командасы жеңіс тұғырының ең биік сатысынан көрінді. Құрама сапында Аслан Айтбаев, Аян Ахметов, Әлішер Мажженов және Амина Қайырбекова өнер көрсетті. Ал Қызылорда облысының құрамасы күміс медальға қол жеткізсе, Павлодар об-

лысының спортшылары қола жүлдені еншіледі.

Ардагерлер арасындағы бәсекеде Алматы қаласының спортшылары алтыннан алқа тақты. Жүлделі екінші орынға Владислав Насыбуллин, Арман Оспанов, Құнанбай Сағнаев және Әлфия Төребаева бастаған астаналық ардагер спортшылар ие болды. Ал қоланы Жамбыл облысының ардагерлері қанағат тұтты.

Дайындаған **Ғалым ҚОЖАБЕКОВ**